

tulumcumque esset illud severe prohibuit idem Gregorius M. in synodo Romana, etc. ».

1119. Hanc Gregorii M. constitutionem refert *cap. 1, De Simonia*, his verbis: « Sicut non debet episcopus, ita nec minister vel notarius in ordinatione ejus vocem vel calammum vendere potest. Pro ordinatione igitur vel usu pallii, seu chartis atque pastellis eum qui ordinatur omnino aliquid dare prohibemus ». (1) Etiam alia capita in corpore juris sub eodem titulo idem prohibent. Ita Innocentius III in *cap. 39, cit. tit.*, reprobans contrariam consuetudinem, statuit: « Ut pro his sive conferendis sive collatis (consecrationibus episcoporum, benedictionibus abbatum et ordinibus clericorum) nemo aliquid quocumque praetextu exigere aut extorquere praesumat; alioquin et qui receperit et qui dederit hujusmodi pretium omnino damnatum cum Giezi et Simone condemnetur (2) ». Vide etiam *cap. 20, 35, 37, 45, ejusd. tit.; extrav. 2, ejusd. tit. inter communes, etc.*

1120. Conc. Trid. haec omnia confirmavit ac melius determinavit in *sess. XXI, cap. 1, de ref.*: « Quoniam ab ecclesiastico ordine omnis avaritiae suspicio abesse debet, nihil pro collatione quorumcumque ordinum, etiam clericalis tonsurae, nec pro litteris dimissoriis aut testimonialibus, nec pro sigillo, nec alia quacumque de causa, etiam sponte oblatum, episcopi et alii ordinum collatores aut eorum ministri quovis praetextu accipiant. Notarii vero in his tantum locis in quibus non viget laudabilis consuetudo nil accipiendi, pro singulis litteris dimissoriis aut testimonialibus decimam tantum unius aurei partem accipere possunt, dummodo eis nullum salarium sit constitutum pro officio exercendo; nec episcopo ex notarii commodis aliquod

(1) Id est pro ordinatione, pro datione pallii, pro litteris ordinationis, pro pastu vel cibo. Gonzalez, in *hunc locum*; Hallier, *l. c., sect. VII, art. VI.*

(2) « Giezitae dicuntur a Giezi, servo Elisei, qui primo in V. T. vendidit gratiam sanitatis Naaman principi Assyriorum: unde venditores spirituum proprie dicuntur Giezitae. Simoniaci dicuntur a Simone Mago qui postea in N. T. voluit emere gratiam Spiritus Sancti »; Glossa, *l. c., v. Giezi.*

emolumentum ex eisdem ordinum collationibus directe vel indirecte provenire possit. Tunc enim gratis operam suam eos praestare omnino teneri decernit: contrarias taxas ac statuta et consuetudines etiam immemorabiles quorumcumque locorum, quae potius abusus et corruptelae simoniacae pravitati faventes nuncupari possunt, penitus cassando et interdicens; et qui secus fecerint, tam dantes quam accipientes, ultra divinam ultionem poenas a jure inflictas ipso facto incurrant ».

1121. Haec deinde rursus inculcavit ac declaravit celebris *Taxa Innocentiana*, id est instructio probata ab Innocentio XII die 8 Oct. 1678, qua taxae percipiendae a curia episcopali in materiis ecclesiasticis determinantur pro tota Ecclesia, reprobata quacumque contraria consuetudine. Pro negotiis enim quae sacram ordinationem respiciunt, haec statuit:

« Nella materia degli ordini sacri e minori e prima tonsura, così per la collazione, come per la facoltà che ad altro si dia di conferirli, ed anche per il loro esercizio, e per la facoltà di esercitarli in qualunque luogo e qualunque tempo, si stabilisce la regola generale, da non ricevere altra eccezione, che quella si dirà di sotto, è che nè il vescovo o altro prelato, nè il suo vicario generale o foraneo, cancelliere od altro ufficiale qualsivoglia, nè parenti e famigliari, o servitori, possano esigere e ricevere emolumento e cosa alcuna sotto qualsivoglia colore o pretesto di atti per la giustificazione de' requisiti, ovvero di tovaglia, forbici, pettine ed altro, nè sotto titolo di regalo o di mancia, anche se spontaneamente si offerisse e desse, eccetto che l'ordinante possa ricevere l'oblazione della candela, secondo dispone il Pontificale a libero arbitrio dell'ordinato circa la qualità e peso.

» Ed il cancelliere secondo la disposizione del sacro Concilio di Trento, per le lettere testimoniali della collazione dell'ordine già dato, ovvero per le lettere dimissoriali per la collazione da farsi per un altro vescovo, possa ricevere soltanto la decima parte d'uno scudo di moneta Romana, cioè un giulio (53 centimes), ovvero l'equivalente nella moneta del paese e non più, da persone le quali abbino l'uso del

denaro, non già da quei religiosi, i quali non ne hanno l'uso, come sono i Cappuccini, ed i Minori Osservanti; eccetto che nella collazione del subdiaconato per gli atti che si devono fare per la giustificazione della verità e sufficienza del patrimonio ovvero del beneficio a titolo del quale si deve promuovere, possa esigere quell'emolumento che sia proporzionato alla mera fatica materiale per la scrittura e carta, senza che il vescovo o vicario o altro ufficiale direttamente nè indirettamente ne possa partecipare in modo alcuno, purchè detto emolumento non possa nè debba eccedere uno scudo d'oro (5 francs 35), ma se la fatica richiede minor mercede si debba esigere solamente quel meno; ma rispetto agli ordini ed alla prima tonsura non possa esigere cosa alcuna sotto pretesto di registratura de' brevi e dispense, e di altre scritture, o di presentata, o di qualunque altra giustificazione e solennità, o rimozione d'impedimento.

» Con dichiarazione che se le suddette lettere testimoniali ovvero dimissoriali contengono più ordini, tuttavia non si possa esigere altra mercede che la suddetta di un giulio, sicchè non si possa moltiplicare a ragione di ciascun ordine. Non sia però tenuto il cancelliere a fare una sola scrittura per più ordini, quando questi siano stati conferiti in diversi tempi o diverse ordinazioni, ma, volendo, possa farle separate, non già rispetto a quegli ordini che si conferiscono in uno stesso giorno, come segue ne' minori, ne' quali dovrà farsi una sola scrittura, e nelle lettere dimissoriali che si diano per l'ordinazione da farsi per un altro vescovo a più ordini, parimente non si possano moltiplicare scritture; nè si possa esigere cosa alcuna per il rogito della collazione degli ordini, ovvero per l'accesso al luogo dell'ordinazione con altro pretesto anche di mancia, e di regalo » (1).

(1) *Latine*: In respectante ad ordines sacros et minores et ad primam tonsuram, tam pro horum collatione, quam pro facultate alteri fortasse data eosdem conferendi, nec non et pro eorumdem exercitio, ac pro facultate ea exercendi in quovis loco et tempore, regula generalis constituitur, non alii subjicienda exceptioni quam illi quae infra dicitur, scilicet quod neque episcopus vel alter praelatus, neque ejus vicarius generalis aut foraneus, cancellarius vel quivis alius officialis, neque ejus parentes

1122. Ut igitur aliquid ultra hanc Taxam Innocentianam recipi aut solvi possit, requiritur indultum apostolicum; cujus indulti exemplum habes in *Cameracensi*, 12 Aug. 1882, de qua in nostro *Tractatu canonico de matrimonio*, n. 424.

1123. Jus commune poenas quoque constituit contra reos simoniae realis occasione collationis graduum clericalium, ad quas alludit Conc. Trid., l. c., in fine; quasque deinde RR. PP. auxerunt quoque. Scilicet conferens per simoniam ordines contrahebat: 1° Excommunicationem latae sententiae R. P. reservatam, ex *extrav. 2, De simonia*,

et familiares aut famuli, possint emolumentum et rem aliquam exigere et recipere sub quovis colore aut praetextu actorum ad probanda requisita, sive mantilis, forficis, pectinis, alteriusve rei, vel sub nomine muneris aut strenae, etiamsi sponte offerretur ac daretur, hoc uno excepto quod ordinator candelae oblationem possit recipere, prout Pontificale disponit, ad arbitrium ordinati quoad qualitatem ac pondus.

Cancellarius autem, juxta dispositionem sacri Concilii Tridentini, pro literis testimonialibus collationis ordinis jam dati, aut pro dimissorialibus pro collatione ab alio episcopo facienda, possit recipere dumtaxat decimam partem scutati de moneta Romana, idest julium unum aut summam aequivalentem in regionis moneta et nihil amplius; idque a personis quae pecunia utuntur, minime vero ab iis regularibus qui ea non utuntur, cujusmodi sunt Cappucini et Minores Observantes; excipitur vero quod in collatione subdiaconatus pro actibus explendis ad probationem veritatis et sufficientiae patrimonii, aut beneficii ad cuius titulum quis est promovendus, possit exigere illud emolumentum quod respondeat puro labori materialis scriptionis et chartae, quin episcopus aut vicarius aut alter officialis directe vel indirecte in eo partem ullo modo habere queat, dummodo tamen istud emolumentum nec possit nec debeat excedere unum scutum aureum, atque ita ut si labor minorem mercedem requirat, haec tantum minor merces exigi debeat: Pro ordinibus autem et pro prima tonsura nihil possit exigere sub praetextu registrationis brevium et dispensationum aliarumve scripturarum, aut praesentatae, aut cujuscumque alterius probationis et solennitatis aut remotionis impedimenti.

Hac praeterea declaratione quod si illae literae testimoniales vel dimissoriales contineant plures ordines, nequeat exigi alia quam praedicta unius julii merces, ita ut nequeat multiplicari ratione singulorum ordinum. Non tamen cancellarius teneatur unicam exarare scripturam pro pluribus ordinibus, cum in diversis temporibus aut per diversas ordinationes collati sunt; sed, si velit, separatim eas scripturas possit facere, non quidem pro iis ordinibus qui una eademque die conferuntur, ut fit pro minoribus, in quibus unica scriptura conficienda erit: item in literis dimissorialibus quae conceduntur pro collatione plurium ordinum peragenda ab alio episcopo, nequeant multiplicari scripturae; nec quidquam pro scriptione actus collationis ordinum aut pro accessu ad locum ordinationis sub alio praetextu vel strenae et doni exigi possit.

inter communes. S. Pius V, in bulla *Sanctam*, nonis Jan. 1588, derogans Conc. Trid., *sess. XXIV, cap. VI, de ref.*, declaravit neminem ab hac excommunicatione absolvere posse, etiamsi crimen simoniae foret occultum; 2° Suspensionem latae sententiae a collatione quorumcumque ordinum et etiam primae tonsurae, et ab omnium munerum pontificalium executione, *ex cit. extrav., ex cit. bulla S. Pii V, et ex cap. 42, De simonia*; 3° Interdictum ab ingressu ecclesiae; 4° Si has censuras violasset, praeter irregularitatem de qua *n. 353 sequ.*, contrahebat suspensionem a regimine et administratione suae Ecclesiae, et a perceptione fructuum omnium ex suis beneficiis provenientium, *ex cit. bulla S. Pii V.*

1124. Similes poenas contrahebat ordinatus per simoniam, scilicet: 1° Excommunicationem latae sententiae, ut supra ex citatis juribus; 2° Suspensionem latae sententiae ab executione ordinum saltem male receptorum, *ex cit. extrav., cap. 37, De simonia*, aliisque juribus quae ideo has ordinationes appellant vacuas, inanes, etc.; 3° Si has censuras violasset, praeter irregularitatem, regularis quidem privatus erat voce activa et passiva, et inhabilis erat ad eandem vocem, saecularis vero privatus erat omnibus officiis et beneficiis, et inhabilis ad eadem officia et beneficia efficiebatur.

1125. Haec confirmat etiam S. C. de Prop. Fide in instructione pro Chaldaeis data die 13 April. 1807: « Qui ad ecclesiasticos ordines promovendi sunt a simoniae crimine (quod ceteroquin Ecclesia semper et in omnibus detestatur) diligenter caveant; in quod gravissimis ab Ecclesia poenis animadversum est. Sciant enim tam simoniace promoventes, quam simoniace promotos ad ordines, excommunicationem majorem Summo Pontifici reservatam ipso facto incurrere. Praeterea qui simoniace ordinant ipso facto a collatione omnium ordinum per triennium suspensi maneat; qui vero simoniace ordinati sunt, suspensi pariter maneat ipso facto, nedum ab ordinibus quos simoniace susceperunt, sed etiam ab aliis ordinibus ad quos absque simoniae labe promoti fuerunt. Quapropter tam ii qui simoniace manus imposue-

runt, quam ii qui simoniace jam ordinati fuerunt, consulant conscientiae suae, et ab exercendis ordinibus omnino abstineant, nisi prius absolutionem a censuris impetraverint. Quod si irretiti censuris in ordinibus ministrare praesumpserint, sciant se irregularitatem etiam incursuros. Pro absolutione autem a censuris et pro dispensatione ab irregularitate, si forte in eam quis inciderit, ad Apostolicum Delegationem se conferat (1) ».

1126. Hodie ex const. *Apostolicae Sedis* putamus omnes has censuras obsolevisse, et ideo alias quoque consequentes poenas, cum nulla censura in citata constitutione relata sit, fortasse quia jam rarius et difficilius hoc crimen perpetratur. Equidem const. *Apostolicae Sedis* vult omnes, quos Conc. Trid. suspensos aut interdictos ipso jure esse decrevit, suspensioni aut interdicto adhuc obnoxios esse; sed juxta meliorem interpretationem id verum est de censuris ab ipsomet Conc. Trid. directe latis, non vero de illis, quas Concilium fert indirecte tantum, confirmans canones praecedentes; prouti accidit in casu nostro. Proinde hodie qui facit aut recipit indebitas solutiones occasione promotionis ad aliquem gradum sacrae hierarchiae ordinis, peccat quidem, et pro modo culpae a legitimo superiore puniri potest aut debet, sed poenas ipso jure statutas non incurrit. Hinc praetermittimus plures ac graves controversias quas canonistae agitant circa supra recensitas poenas.

SCHOLION II

DE LIBRO ORDINATORUM, ET TESTIMONIO RECEPTAE
ORDINATIONIS.

1127. In qualibet curia debet esse liber, in quo inscribuntur omnes qui ad aliquem clericalem gradum promoti sunt a prima tonsura ad presbyteratum inclusive, quique proinde appellatur *liber ordinatorum*. In hoc libro notari debet pro unoquoque promoti nomen, praenomen, nomina parentum, locus originis, aetas, necnon annus, men-

(1) Collectanea S. C. de Prop. Fide, n. 1175.

sis et dies collatorum ordinum. Si episcopus qui ordinavit, est proprius, indicetur qua ratione proprius sit; si est alienus, a quonam episcopo dimissoriae datae fuerint. Notetur etiam a quonam episcopo litterae testimoniales obtentae fuerint; et num dispensatio ab aliquo impedimento obtenta fuerit. Sed insuper ipsa authentica documenta litterarum testimonialium, dimissoriarum et dispensationum in archivio episcopali reponenda sunt. Hic ordinatorum liber in archivio episcopali perpetuo asservari debet. S. Carolus Borromaeus, in concilio Mediolanensi V, p. 3, tit. *De examinandi ratione*, docet cancellarii muneris esse in libro omnia quae notanda sunt, notare, ipsumque et documenta indicata in ecclesiae archiviis diligenter custodire; modum vero describendi statum clericorum, vel eorum qui clericali militiae adscribendi sunt, fusissime exponit in instructione pro cancellaria. Apud Graecos hoc munus gerit chartophylacius (1).

1128. Ex hoc libro ordinatorum desumuntur litterae testimoniales recepti gradus clericalis. Romae a paucis abhinc annis quilibet promotus sive ad primam tonsuram sive ad ordines seu minores seu sacros debet has testimoniales litteras recepti gradus a Vicariatu repetere, soluta progressiva pecuniae summa. Excipiuntur tantum promoti qui pertinent ad *Ordines mendicantes de facto*, nempe ad Ordines Cappucinatorum, Trinitariorum discalceatorum, Minorum Observantium, Passionistarum, etc. Antea promotus poterat vel non has litteras testimoniales repetere, sicut hodie promoti ad praedictos Ordines pertinentes. In aliis dioecibus una vel alia methodus recepta est.

(1) Hallier, p. 1, sect. I, cap. II, art. III, § XI.

CAPUT VI

DE EFFECTU SACRAE ORDINATIONIS.

1129. Sacra ordinatione sequentes producuntur effectus:

1^o Datur potestas sacras perficiendi functiones diversa pro diversis gradibus: sed hanc potestatem in Thomistarum sententia non distingui a caractere sacramentali in tribus ordinibus hierarchicis, infra dicemus n. 1133.

1130. 2^o Confertur gratia non ponentibus obicem. In primis tribus gradibus, cum habeant rationem veri sacramenti, gratia confertur ex opere operato (n. 10); gratia, inquam, sicuti in aliis sacramentis vivorum, tum *habitualis* seu sanctificans per se *secunda* et per accidens *prima*, tum *sacramentalis*, qua ordinatus valet functiones recepti ordinis sancte peragere. Haec autem gratia sacramentalis verius non est a gratia habituali distincta, sed est ipsamet gratia habitualis cum peculiari respectu ad auxilia actualia pro fine sacramenti, idest, in casu nostro, pro recto ordinis exercitio (1), licet haec auxilia postea concedantur, quando eis indigemus. In aliis gradibus infra diaconatum gratia confertur ex opere operantis, cum sint sacramentalia.

1131. 3^o Imprimatur character (n. 11) in primis tantum tribus gradibus-sacramentis, cum solius Dei sit ritibus externis adnectere vim imprimendi in anima signum spirituale et indelebile. S. Thomas, in 4^o, dist. 25, quaest. 1, art. 2, ad 2^{um}, cohaerenter ad suam doctrinam quod episcopatus non sit ordo, negat per episcopatum imprimi in anima verum characterem, sed sicut antecedens (n. 21), ita et hoc consequens admitti non debet. Ratio autem qua Christus D. voluit characterem imprimi sacramentis baptis-

(1) Suarez, *De sacram. in gen.*, disp. VII, sect. III; Franzelin, *De sacram. in gen.*, Thesi XI in fine; Hurter, *De sacram.*, Thesi CCIII in fine.